

靈寶領教濟度金書卷之六十一 卷三

洞微高士開光救苦真人寧全真授

靈寶通玄弘教水南先生林靈真編

科儀立成品神供

玄都大獻玉山淨供儀

門外設香案

清眾序班召魂

伏以天性虛靈奚有去來之迹地塵翳幻爰彰終始之形迷雲惟滓於三昧慧日斯離於四大業輪葉葉堪嗟已死之元神寃網鱗鱗孰軫未生之祖忝泛驚濤之飄蕩走峻坂以馳奔快樂福堂報盡尚趨於惡趣悲酸罪壘期超猶覆於畏途鬼畜酬嗔神人暫喜回眸萬劫昧兔角之真空轉盼千生慘羊腸之妄垢誰為援溺庶俾凌虛惟

三天敷定慧之光則九地步真常之景今有齋主其人延開大獻壇輅洪慈仰致敬於聖賢俯宣仁於品彙排空御炁已飛役將之金符倒景騰霄諒煥召靈之玉勅悉風行於六道已雷動於四生上窮碧落下黃泉遍提萬

類右秉白旄左黃鉞嚴制群魔關津無阻遏之虞里社稷送迎之令茲也靈光鬱勃梵炁彌羅珠星隱隱於疎林銀漢輝輝於遠岫天門肆開九霄垂浩蕩之恩地戶遐開諸趣切提携之望甘露降而醍醐味萬靈風扇而道德香浮宜申命於神威俾疾微於靈識帝恩無外壇律有嚴法眾運誠依科攝召

灑淨

誦甘露呪

冷冷甘露滋 法味難思議 霽香流七真 冥冥何生疑 受此法食者 生天登紫微

持幡出門外向鬼門立

伏以將天炁而制天魂體該妙有開鬼關而來鬼爽聲契虛无靈幡颺颺於空中寶鐸琳琅於雲際或遠或近如聞馨款之音若有若無恍恍步趨之影精神所致形魄借享庸歌普召之玄章竅動回靈之丹旒

眾歌

太陰冥冥黑彼重 中有羅鄴六天宮 萬鬼咸羣痛哀泣 悲惱毒烈太惡崇

无上洞音徹九夜 飄飄吹下慈悲風 吹向冤魂召億魂 聞者奔赴寶壇中 急急如東華夜光召魂律今攝 伏以精魄強而遊魂為變本有英明形貌黻而見性不移初無生滅循環雖分於六道精微實貫於一元寶範遠宣若認陽聲而應感靈幡高舉似瞻華表以歸來返炁乘神歸真復命載歌秘語遍召陰儀

眾念

北鄴萬鬼羣 六道苦沈淪 江海山嶽中 幽魂長冥昏 太乙玄元壇 玉音降至尊 普召悉來赴 咸悟如生存急急如 上清靈寶召魂律今攝 伏以凝空洞而有別體祖炁飛浮赴期歸而返故根靈光照耀美分於善道惡道靡間於旁生正生上下四方既追尋而迅速前後三際諒奔赴以傍徨水超地禁之幽克獲天常之煥三歌玉範庸格遊魂

眾念

一炁生萬物 萬物歸一炁 吾復統一炁

再使萬物生 故知一系中 不復失吾意
攝召汝真靈 諦聽慈悲旨

伏以一系盈虛孰測鬼神之情狀五行聚散
奚虧性識之精明靈光璀璨於瑤空道系玲
瓏於瓊宇銅鳥轉于玉兔凝霄陽靈陰靈撒

神真而下赴故鬼新鬼借爽魄以均臨各生
慶幸之心普暢歡欣之願宜依壇律恭召真
儀臨清靜之法延受慈悲之開度

至心召請一切天仙道等眾及其眷屬惟
願仰承三寶力今夜今時齊附靈幡來赴

玄壇和受茲開度功德

至心召請一切神明道同前

至心召請一切人倫道

至心召請一切地獄道

至心召請一切餓鬼道

至心召請一切畜生道結並同前

六道冥靈既來遊於陽境四生狼劣幸脫迹
於陰郊極目而夜月茫茫凝眸而晚風淅淅
山林叢澤萬神錄送於游精郊野丘墟列將
搜尋於苦爽隨邪途者三十六類失正命者

二十四門延啓玉山宜幽沈之普召恩頒金
闕盡冥漠之均提願振肅於精神姑停留於
步武伺微諸趣普侍羣靈同朝

楓陞以參真共詣蘭場而受饗真光遍覆寶
範遙揚敬唱秘章庸伸感格

陰陽為英兮天地為爐陶魂鑄魄兮南機
北樞四大分離兮奔飛萬系冥冥漢漢兮
歸根虛元太上慈悲兮返攝遊杰太一混
合兮百神未居迴骸起死兮五行造化歸
真歸元兮復泐本初感此傍徨兮無遲無

逆賜汝靈書兮飛凌玄都急急如神虎夫
人召魂律令攝

伏以天地陰陽之變轉輪真機死生夜旦之
常循環五業秩秩羣靈之渺莽幽幽萬姓之
汰寒水逝不回均棲身於寒谷舟藏何在皆
寄迹於冥鄉人間之日月已非世上之春秋

永隔顛冥萬劫罔思利涉於慈航沈滯千齡
弗念陸沈於覺海幸蘭場之照夜欣藥簡之
頒春將翔將翔冥躡神光而益止相呼相喚
願乘聖彩以來臨其有御籙膺圖繼圓蓋而

制六合復符乘運裂方輿而朔九州椒房昭
彤管之輝茅社耀紫泥之寵萬鍾祿貴端劔
復於櫻庭九鼎威尊奮鉞於柳塞天擒鳳
而古今第一武揚鷹而宇宙無雙其生也稟
霄漢光嶽之精其死也佐經緯玄黃之運願

迂馳馭俯御塵英為接引於羣迷以昭宣於
萬化其有雲為霞岫探道德而葆玄元月蟬
煙巒樂善提而味禪梵或厭膏粱以精進或
棄鉛華以勤修或慕錫經行心希五施或蒲
團宴坐志勵十齋或守戒定慧以俱圓或混

精杰神而入妙或水劫探玄珠於象罔或中
道滓白玉於紛葩皆脫陰塵咸翔陽景願提
携於後覺俾紹續於前修特降芳筵庸款菲
供其有操觚弄翰秀擢儒林繁綬縮章榮聯
仕版或効犁東陵而學圃或製迹南陽以躬

耕或隱臥雲聯操犁鋤而拂風沐雨或舟車
日關歷江湖而扶霧披霜或習岐黃神聖工
巧之傳或精束李靈奇變通之授或風斤月
斧業超匠石或雲笙煙笛技冠鈞韶六藝其
裝百工陶冶心惟期於溫飽志宜羨於輕肥

雖無善業以升天亦乏惡緣而墜地普來芝
檢來赴蘭場其有變朱墨以舞文虎靡威凜
艷綺羅而驚巧鳳閣香融業屠創而恣殺心
典庖厨而戕生命飛鷹走犬操網張羅雖生
前之口腹貪饕諒死後之形神淪墮既榮幽

暗膺苦惱於千齡幸沐靈光際歡欣於一旦
來聞經而聽法爲解咎以除寃以至九野之
中八紘之內際天所覆極地所載遐陬僻壤
萬姓曰民士農工商衣冠俗類文武醫卜男
女耄倪孤滯億名沈淪于姓或有主無主或
凶終善終或炎火燒焚或江河沒溺或虎狼
食啖或蛇虺傷殘或霜雪凍凌或雷霆震擊
或凶荒殞命或牢獄喪身或盜賊殺傷或刀
兵殘害或木石壓損或道路傾摧或王法死
亡或訟庭怨恨或鬼神執滯或軍陣誅夷或
自縊自殘或投河投壑或中蠱服毒或飲砒
合寃或呪咀勾連或仇讎執對或財命纏繞
或盟誓日誓或神識頭邪或肢體零落或痘
疫癘疔或癆瘵癰疽或傳染傳尸或中風中
氣或奉學癱瘓或瘡痍盲聾或髻亂喪生或

胎產殞命或生遭陷害或死受釘埋或悍獨
孤鯨或奴婢廝役或尸樞焚毀或墳墓夷陵
或舊塚頽頽久虧祭祀或他鄉客路近缺蒸
嘗或曠野潛形什什伍伍或寒林寄影兩兩
三三或雨暗風悲怨聲來往或天陰月淡幽

影縱橫無極無窮無邊無量壽魂旅魄飛爽
遊精乃至山巔水涯魑魅魍魎幽麓際林
怪寃靈鱗介羽毛胎卵濕化蛸蛆蠢動喙息
跂行若有情若無情若非有情若有想若無
想若非有想若有色若無色若非有色寓形
宇內一切衆生均聆寶經慈悲之音各認華
幡光明之景疾辭黑墨來觀玄壇領
金闕之洪恩歆玉山之淨供法衆運誠至心
召請

至心召請九州十道徽外寰中原野丘墟
冥陽水陸山林城郭村落泉源滯魄孤魂
幽靈惡趣二十四門苦爽三十六道傷亡
惟願仰承三寶力今夜今時齊附靈幡來
赴玄壇和受茲開度功德
陽華散彩陰景騰輝萬類靈儀既雲臻而霧

集諸司將吏宜風動以霆奔恪禪部衛之勞
疾聲監臨之績調伏貴賤毋凌暴於孤寡和
合寃親俾齊同於慈愛游泳玄元之聖澤涵
濡靈寶之真光無傲無華肅容旅進有嚴有
翼潔已翔趨先爲復質以全形庶獲登真而
度命謹召守雄抱雌二大符各按所部部衛
六道四生諸類幽魂等衆隨我神運齊到帝
前整具形神朝真受鍊法衆運誠慈悲接引

慈悲接引天尊

引幡詣法師座前

宣呪

幽魂及苦爽 死魄與陰靈 遊蕩幽冥域
喪失天地根 我以元始炁 反復汝胎嬰
聚魂鍊尸魄 鍊陽去九陰 元始召魂章
輪運南北辰 陶鎔坎離間 顛倒結胚脾
勿滯愛河浪 流蕩生死門 隨我元始炁
斷絕苦迷津 悟理玄元道 離合自成真
出入无爲地 常居天地春 逃形九天關
不墮於苦輪 來赴玄壇鍊 隨章心自明
我聞天形道貌輝輝而混合百神海欲波情

翳翳而奔飛萬烝惟昧有元於真妄斯分聚
 散於死生與言本始之初俱混希夷之妙金
 花鬱勃凝陽辟以毓天根玉樹扶疎落陰精
 而超地帶三彭振伏二豎驚馳自寬魔剝破
 於藩籬致塵冠震凌於宮府風火寒暑燥濕
 之變莫際九還夢幻泡影露電之如遂臻五
 解回首三途之展轉驚心六趣之漂流深可
 悲矜孰為援拯今有齋主某人修奉玉山淨
 供仰承

天涯俯替民衷靈光開宇宙之春玉符誕布
 恩詔啓幽冥之旦金簡周敷微萬類以均臨
 檄羣靈而齊到頓還舊觀快沐新釐然念報
 對多岐品類不等自善道來者宜停容止自
 惡道至者盡整形神或死後肢體之未完或
 生前疾病之未治或懷冤對或抱震驚或易
 失於正途或已淪於異類非假攝化曷復真
 元我以膺錄御圖憲天體道竭著微忱而度
 死式昭大德之好生會道運神恪遵玉訣承
 流宣化式藉玄曹俟反景以回靈雷觀光而
 序進參朝宸幄嘒味芳筵稽首皈依召役如

法

回靈養素天專

謹召靈寶玄局火鈴大神玄靈大神為磨大
 神疾赴玄壇向來召集幽魂有久繫地獄枷
 鎖未去繫索未除衣冠不備之眾願來符命
 隨我神運速為拯濟俾苦具解脫衣服周圍

宣去枷鎖斷繫索借衣符 三道

幽幽冥冥 罪根流管 長夜腥露 萬劫沈寒
 玄元施化 金馬驛程 枷鎖消磨 形埋肅清

衣冠周備 生根命靈 飛升太漢 身有光明

天專慈化 五炁交并

回靈養素天專

謹召靈寶玄局開咽喉靈官疾赴玄壇向
 來召集幽魂有久墮陰鄉風抱飢虛咽喉枯
 槁之眾願來符命隨我神運速為拯濟俾重

樓流潤飲食宣通

宣開咽喉符

浩浩冥冥 太上靈泉 潤枯育物 流注自然
 神津生液 澄清太玄 生魂育魄 靈瓜綿綿
 清靈保命 猛火施烟 華池浩渺 莫測其源

育嬰耀化 三炁飛天

回靈養素天專

謹召靈寶玄局全形復質靈官青帝護魂君
 白帝侍魄君赤帝養烝君黑帝通血君黃帝
 中主君疾赴玄壇向來召集幽魂有生膺惡

報肢體不完死非正命形骸零落冥關考掠
 身軀壞散之眾願承符命隨我神運速為拯
 濟俾骨肉完全經絡聯續

宣十續符 十道

宣五帝全形符 五道

玄靈妙光 廓落三元 內灌臟腑 外養身田
 斷者為續 欠者為全 盲者得視 聾者得聞
 病者得甦 弱者得痊 生生咸遂 大化無邊
 乾元密運 四象吁員

回靈養素天專

謹召靈寶玄局脫形離苦靈官九天普度院
 真人將軍疾赴玄壇向來召集幽魂有身墮
 異類形受旁生之眾願來符命隨我神運速
 為拯濟俾脫離苦報還復人身

宣脫形離苦符

宣改形易貌符

元始慈勅 普度元窮 智慧法水 流瀝神通
畜生異類 惡業所崇 一灑神變 苦趣形空
羽毛鱗介 飛質潛蹤 均還人身 冠帶潔豐
聞經聽法 上朝仙宗

回靈養素天尊

謹召靈寶玄局主胎大神變胞大神助生神
君順生神君分胎功曹主產功曹六甲符吏
催生童子疾赴玄壇向來召集幽魂有懷胎
殞命未產喪生之眾願乘符命隨我神運速
為拯濟俾子母分離悉體康復

宣監生符

宣下胎符

返英育靈 正胞鍊精 靈緣執對 惡業示并
女嬰抱胎 未離身形 今日鍊化 母子速分
玉嬰金光 腥穢沈零 已生未生 皆得生成
五臟調泰 開卸和平

回靈養素天尊

謹召靈寶玄局天醫六職高藥靈官治病功
曹疾赴玄壇向來召集幽魂有疾病亡身凶

惡喪命生前痛毒死後沈淪之眾願乘符命
隨我神運速為拯濟俾形神完整祭衛調和

宣天醫符

五文開廓 普植神靈 孽病開聰 盲者目明

瘡者能言 跛病起行 久病痼疾 一時復形

老壯少強 髮黑齒生 四百四病 永保安寧

玉帝至真 靈芝灌精

回靈養素天尊

謹召靈寶玄局遠離怖畏靈官疾赴玄壇向
來召集幽魂有雷電震擊覆舟墜馬戰鬪殺
戮精靈執離魂魄飛揚形神怖畏之眾願乘
符命隨我神運速為拯濟俾精神強盛志不
安和

宣離怖畏符

天帝命靈 太一觀形 六虛九素 生根及美
飛雲流珠 洞耀杳冥 精爽遊散 攝烝回嬰
神力潛化 周遊玄經 慈悲廣覆 大道開明
死骸回童 乘運齊征

回靈養素天尊

謹召靈寶玄局解冤釋結靈官如意萬司解
釋冤對大神疾赴玄壇向來召集幽魂有呪
咀執對冤憎報復之眾願乘符命隨我神運
速為拯濟俾怨恨開釋慈愛齊同

宣解冤結符

宣淨明解冤十符 十道

陰景長夜 幽幽冥冥 億劫無光 黑風飄索

元始開化 諸天齊明 玉符所至 萬神敬聽

冤結解釋 執對和平 業垢消蕩 斬絕地根

身乘玉虛 上度福庭

回靈養素天尊

謹召靈寶玄局能談善說靈官疾赴玄壇向
來召集幽魂有自失正途樂從邪道故生迷
惛罔知解脫之眾願乘符命隨我神運速為
拯濟俾捨邪歸正離妄求真

宣捨邪符 二道

洞玄施化 渺渺大羅 周遊六合 祖炁敷華
赤書玉字 弘濟愛河 九幽昏煙 滿濼天和
開通慧智 神功浩多 太上有勅 正道常華
速離返觀 永歸仙家

回靈養素天尊

萬病蠲除風掠秋雲於碧漢千寃解悟日落
曉露於清霄沉體魄之周圍復神魂之澄正
上承

帝力下藉神功第惟久隔陽光夙淪陰昧瓊

樓丹室多凝死之塵紫戶玉門難復生神

之景蓋遵藥簡為煥芝符飛元聚神復神神

於本蒂命靈攝系反系系於故根運太極之

樞機贊先天之靈齋凌騰耀景羅絡成人

回靈養素天尊

謹為幽魂攝降玉清混元生腎生系生精少

陰之系生心生神生榮生志少陰之系生肝

生魂生筋生骨厥陰之系生肺生魄生衛生

毛髮太陰之系生脾生肌肉生意四肢太陰

之系生膀胱生水胞太陽之系生小腸生水

道太陽之系生膽生汗少陽之系生大腸生

谷道陽明之系生胃生水源陽明之系生三

焦生三宮少陽之系生心胞絡生百脉厥陰

之系灌注身中周流達布俾形體整具經絡

完成

宣混元十二化生符

陽明景精 陰貫陽形 內結外續 一系神凝
五四七轉 流運黃庭 九九華敷 經絡纏身
二景九陽 混合百神 流攝九宮 八卦分形
元始混化 整具形神

回靈養素天尊

系以全形系聚而形亦聚神以御系神留而

系亦留一合三成三凝一化歸根復命幸五

系之流華保真固靈宜萬神之耀景再行招

攝庶返生源

回靈養素天尊

謹為幽魂攝降玉清大洞腦神泥丸赤文混

洞噓噓君左目神通光玄冥君右目神晨嬰

陰精君舌神騰陽正生君心神玄珠玄玄君

肝神青帝孟光君脾神紫庭延澤君肺神皓

洞黍成君腎神太淵飛都君陰神續命伯強

君胞神元常秋夫君胎神含生宣和君結神

九華遐彥君節神查浩空獸君血神中幽良

弼君精神元除祝祝君系神元英堯堯君神

神天生靈父君命神正中幽田君安鎮身中

周巾羅布俾宮室全復神系固凝

宣大洞十八生身符

玉符鎮勅 大洞自明 白雲流布 靈神降身
五方混合 玄上之精 充布五臟 六管鮮明
內灌外溢 表裏俱清 威穢招真 身飛太靈
生根水固 周旋天經

回靈養素天尊

若究若病心為機關曰系曰神心為邪廓心

空則二妄何有心靈則一真可全幸承

天寶之慈輝復脫地塵之暗垢陰陽攝聚雖

復質以同流性命圓明宜回光而返照庶得

真元獨露妄有潛消神系相保於身中寃病

永離於形表願精踴滄母再沈淪更振肅於

襟期即舒徐於步武均澄芝宇恭赴蘭湯守

雄抱雌二大將各按所部部衛諸類幽魂隨

我神運前詣浴室伺候沐浴

清水度魂天尊

引攝至浴室前立

伏以光騰三景煥銀漢之靈芒慶藹五華挹

瑤崑之神景龍負瓶而蘭池湛湛風灑枝而

蓮沼輝輝定水風涵濯沐一真而玉皎道山霞潤潔清萬妄以金澄大哉變化之玄至矣靈通之妙今有齊主其人修設

玄都大獻玉山淨供檄召萬類運返一源切慮歷劫寒都多生冥境客塵滓性尚纏繞於生前業垢禁心益溟濛於死後昏霧鎖重泉之杳迷煙籠積夜之幽幸藉陽光獲超陰暗

匪降黃華而浴質曷朝丹禁以升神仰惟道杰充周宸輝羅絡願分靈於神水更申飭於真曹布蘭湯清淨之花霏煙瀟藹飛芝液慈

悲之水寶梵騰凌疾澄眾垢以逍遙為洗羣迷而容與見前清眾同為讚揚

巍巍道德尊 功行已圓齊 降身來接引 師寶自相携 慈悲灑法水 以用洗羣迷 永度三清岸 長辭五濁泥

宣變浴室符

宣變浴室符

儀璘耀彩經緯騰輝金童灑七寶之華玉女灌五香之瑞宜恢神化為琳真源謹召靈寶玄局淋濯司靈官天河東井君浣濯夫人部領幽魂分男女兩班入左右浴室隨我神運

自在沐浴

天河濯沐天尊

宣沐浴蕩穢符即符

扶桑合明 七元流精 先布三景 天阿四傾

清神去垢 輪轉五行 日有赤童 中藏陽精

光芒潤輝 混合交并 東井黃華 玉醴金津

澡鍊魂魄 日月高奔

宣沐浴清塵鍊真符即符

日精月華 甘露金泉 經緯羅絡 四象光圓

今日沐浴 清塵滌源 元始符命 洗滌宿愆

左輝東井 右抱丹淵 流灌飛灑 泠泠自然

乘晨鍊化 上朝瓊軒

宣沐浴澄神去穢符即符

天炁澄清 五色高明 玄黃施化 沐浴玄精

三晨朗煥 五緯交迎 胞胎結節 洗滌氛管

光鮮萬炁 靈爽自生 玉樓金室 祖炁流行

惡對落滅 寶梵雲征

天河濯沐天尊

灌金泉玉醴以澄神既端容止被霓裳羽衣而映質宜儼威儀耀五銖而隨意粧嚴佩三

光而稱性周遍謹召靈寶玄局巾笥司靈官攝化司靈官青玄仙衣玉女仙帶玉女部領幽魂變化衣裳嚴新冠帶隨我神運自在佩服

宣變衣符

宣變衣符

九曜扶表 真炁變衣 四時合衛 五緯交輝

炁分羅綺 絲集宣威 六合扶挾 三炁玄微

至真煥爛 仙女齊飛 雲章冠帶 嚴潔天機

圓華素明 元始慈悲

宣化衣符

金晶冶鍊 炁散玄黃 沐浴丹池 真炁芬芳

二景冠帶 天為隱蔽 左振玉佩 右策金璫

浣除諸穢 遊行紫房 雲霞鮮耀 飛玄羽章

九新洞煥 流金振芒

宣普化衣冠符即符

梵炁彌羅 三光洞符 玄黃煥彩 沐浴雲波

今日冠帶 神景交和 六鍊輕清 八芒流華

身不受塵 混合天樞 旋步雲網 豁落玄圖

靈寶玉文 道炁相扶

金容出世天尊

靈泉瑩質寶飾華躬沐浴而宿垢潔清冠帶而新衣濟楚飄飄舉動乘靈光而搖曳徐行湛湛步趨躡神輝而踟躕讓畔男左女右少後長前盍端肅於一忱即肆觀於三寶守雄抱雌二大將各按所部部衛幽魂齊到帝前至心朝禮

十方靈寶天尊

引幡詣大道前

伏以蒼蒼正色仰金闕於碧霄渺渺大羅聳玉京於紫漢孰凌虛而倒影能飛步以朝元惟瑤壇法象於龍蟠而寶座空浮於獅御借盈尺地可殫事上之恭露方寸天宜潔由中之敬見前衆類久淪陰暗幸復陽光被服陸離觀容儀之端潔究德飄忽願神杰之周迴澄死去之業形運生來之本相善從民欲實荷天恩際已造朝爰仰瞻於象魏肅心肆觀期俯眷於蟻衷少酬化之恩庸謝生主之德雲鋪朝徹月馨舒徐法衆讚揚幽靈朝禮

引幡朝禮 至心朝禮

无上至真道寶大聖元始天尊至心朝禮
无上至真經寶大聖靈寶天尊至心朝禮
无上至真師寶大聖道德天尊

望天關而稽首虎拜勤奉扣

帝闕以傾心見趨廟務既觀祥雲之座可趨

甘露之筵惟玉山供儀先獻陳於真聖侯瑤

京室澤方回施於幽靈宜辭芝陸以回形姑

詣茨城而隱迹候聆呼召即散雲霞之珍羞

母自跪踰有越雷寔之憲令守雄抱雌二大

將各按所部部衛幽魂往詣茨郭伺候受食

十方靈寶天尊

引幡詣茨郭

東於斛前立班

伏以官結紫煙三寶御虛无之座臺流朱日萬真菓空洞之輪上混景於風雲下依光於日月扣瓊萬舞龍廚羅六甲之珍佩玉聯班螭陸映三辰之粹敢耀人間煙火食冒倚天上雲霞羞翹格洪鑿曲歌丹悃念頻繁可薦依飾帶之恭願黍稷非馨髮髻事天之敬尚祈梓枲特賜感通今有齋主其人啓奉

玄都大獻玉山淨供肅按瑤圖弘開瓊席上奉

三寶中普供於聖賢下養羣神希回施於品

類仗慈光而變化徽梵杰以靈通金玉層層

耀霏煙於几席珠珍錯錯疑寶霧於尊彝伶

華奏鈞璈之音符寶擁龍華之仗奇花錯落

異果駢香瓊瑤映香飯之光琅玕騰寶漿之

杰伏望玉臺遙照金景來臨灑法雨以飛空

耀慈雲而擁布千真圍繞翼轅嚴九鳳之吟

萬聖周迴啓駕肅八鸞之唱皆依次第恪副

邀迎俯歡芹采之忱庸鑿葵傾之悃之壇備

物蘭鼎騰芳法衆運誠至心奏請

至心奏啓

无上大羅三境至尊三寶上帝昊天玉皇上

帝願運慈悲流光法會

皈依无上大羅境 三寶希夷福慧尊

道杰鴻濛羅五德 靈光普勸覆三千

琅函瑤笈開玄運 玉局琳房暢妙言

願降慈悲歡菲薦 回寶幽夜惠無違

和不可思議功德

至心奏啓

東極青宮大慈大悲太乙救苦天尊元上九天上帝三十二天上帝五靈五老十極十華應化分身無窮無盡天尊上帝太虛太極太霄空洞雲衢霄嶠天胎靈神玄斗華神八靈

三素承天象極開德宣符上宰鼎司兩臺公輔左省右武內班外聯五帝四司三官四聖

天曹列職星曜真靈南丹洞陽東華神府流傳至教三洞尊神東西南北四維上下過去見在未來正法慈悲救苦左右侍真經錄法

部無執聖眾主執禍福採訪巡遊靈局真司一切聖賢願運慈悲普臨法會

皈依上界天中貴 萬帝森羅梵炁居

紫極巍巍提化裔 玄班奕奕贊神樞

聖真仙業分三境 日月星光照八區

願降慈悲救非薦 回資幽夜潤飢虛

和不可思議功德

至心奏啓

雷霆主執風雨職僚善惡權衡至虛真宰五嶽聖帝洞天福地靖虛治化得道真仙本靖

靈官將吏齋壇防禦傳言奏事承宣典史受事功曾効職真靈十方王者九州社令里域五道司命神靈盡玄虛界一切聖賢願運慈悲普臨法會

皈依中界玄虛際 風雨雷霆體好生

上翔玉宸慈梓鼓 下提金粟慧燈明

權司萬化分陰善 威耀三靈定德刑

願降慈悲救非薦 回資幽夜薄惟馨

和不可思議功德

至心奏啓

北陰玄天鄴都大帝水府四帝東曲神君江河淮濟四海八溟川澤潭洞主執神祇九壘九幽拔錄錄吏地水二府官僚主宰願運慈悲普臨法會

皈依下界幽寥際 風澤承天浩莫窺

聖靈霜明司營紀 神章日赫典歸墟

八圓靈禽秋澤似 九軌權衡曉鑿如

願降慈悲救非薦 回資幽夜澤之餘

和不可思議功德

空浮雲蓋聖真臨三秀之筵霄映風騷神靈

御五明之席分一炁於妙道流七津於霽香瓊饌瑤漿象天厨之鬱勃瓊華珠果來仙境以玲瓏依依庸敬之旌切切克誠之享光風耀彩願千真靈景於雲霄甘露流華俾萬類承光於澤量洪恩浩蕩丹澤煥煌流智慧之真光下提愚昧回慈悲之法食俯施幽冥庶承天渥之餘均脫地輪之累空歌振響梵唱騰和激揚風笙之鳴騰龍箏之繁望停國簿為駐虛无即豎真而度生庶迴骸而起死仰惟大道曲賜鑒知

十方靈寶天尊

東宮就坐

伏以降靈光開昏暗帝溥雲滋回法食濟飢虛宋恩兩施仰威顏之咫尺敷德悃之再三宜提品彙以開春庶養珍羞而不夜守雄抱雌二大將各按所部部衛幽現來詣法筵伺候受食

弘濟無邊天尊

引攝諸斛前

我聞象帝之先歟真精而獨運開天之後鼓

元氣以同流分有物有則之靈靈无形无名
 之粹迴黃抱紫佩火靈於玄關出青入玄毓
 交梨於丹谷渴飲黃華之雲液飢餐素藥之
 烟芽冲漢留丹布夷養素高步陰陽之表性
 命雙融超靈經緯之中形神俱妙奚驚心於
 六趣曷喪魄於三途自倏忽擊七靈之高致
 英元離五神之御華池風動資九穀以顯形
 玄谷煙生假百昌而胤質況生根淪於夜壑
 而死蒂昏於寒庭慘慘千齡幽幽萬劫雖形
 歸臭腐若無假於飼餒奈心本神奇莫違忘
 於餽餒是以

虛皇教主元始法王駕八景之琅輿擁五華
 之寶御靈風九奏飛龍遊戲於玉林慶雲四
 纏神風激揚於金積紫霞羅絡碧霧流明因
 仙真啓請之勤敷靈寶廣大之旨謂流吹惡
 道慈悲悲於飢榮而羅敷善緣歡歡莫歡於食
 施有玄都大獻之設實清微普度之恩異果
 奇花寶漿香飯立山盤於空界象雲厨於天
 中供
 三寶奉千真圓虛廣獻徧群神微十極方澤

均沾以茲法味之布夷回施幽途之沈滯庶
 令飽滿可免飢虛魏魏玄乾之星羅赫赫丹
 恩之日皎今有齊主其人憫於幽類廣闢法
 筵遵聖訣以敷揚微靈存而鑒映金章振響
 羽枝灑而梵炁徑行王宇飛浮雲和奏而宸
 輝發越帝尊克養仙聖來款神風陶經緯之
 和愛日啓圓方之瑞宜呼地類普拜
 天恩俾款供聖之餘羞克遂回靈之至願見
 前幽爽盡入交延隨我靈音從容受食

清涼甘露天尊

引攝遶斛三市當前挿
 當職執水盂揚枝灑斛法眾旋行

宣甘露通真符

功德金色光 輝輝開闢幽 華池流真香
 蓮蓋隨雲浮 千靈冲元和 常居十二樓

急宣靈寶旨 自在天堂遊

宣甘露法食符

泠泠甘露滋 法味難思議 霽香流七真
 冥冥何生疑 享此法食者 生天登紫微

宣普濟法食符

自然天厨食 吾今與加持 一粒過十方
 河沙共沈迷 飢渴永消滅 食之赴瑤池
 今將獻亡靈 功德不思議

弘濟無邊天尊

宣松梵開臟腑法食符

水火聚散路 神炁往來衝 焰焰焦枯盡
 臟胃五方枯 玉液回清涼 玄漿通潤舒
 真香流百脉 逍遙常自如

宣靈梵清涼法食符

瀏瀏崑崙泉 泛泛玉源派 施運庭苑中
 幽香徹天地 玉女濯真香 玄厨擁祥瑞
 服之億萬年 體力悉殊異

宣玉梵甘露法食符

召聚玄元炁 濃噴流乳漿 黃華洞霄珍
 潤液多滋涼 桂浦雜靈根 冉冉通肺腸
 百神解歌舞 來遊无何鄉

宣大梵恩重法食符

異寶出靈芳 浮玉瑩清光 泛景藹靈炁
 廣滿難克量 神清得超度 當遊妙化堂
 元周扣玄機 壽水椿劫長

宣寶梵王函法食符

寶梵演通妙 開闢隘九幽 慶化精殊珍

瑞色長浮浮 冷飈法忒威 深羽翠華樓

洗濯積劫穢 穩步朱官遊

宣真梵通玄法食符

長關天色光 燁燁映寶器 玄通无上食

靈寶无上味 高真所樂施 法音靡不至

快樂復飽滿 浮遊三界外

大慈平等天尊

宣三光流精鍊化法食符

妙道生一炁 炁中分陰陽 凝化日月星

燦然流三光 九華合九道 八色映八方

煥爛洞真體 流精皈大芒 下生淵源宮

上徹无何鄉 縱體復飛跡 欸然都相忘

七寶流精結 混沌雜華房 嚙服九雲散

此樂殊未央

宣三光澤嬰鍊化法食符

玄絕九炁中 澤嬰觀太元 鬱儀煥陽谷

結璘耀天衢 五星流寶光 斗極回乾樞

梵炁鬱勃散 咽御方踟躕 超跡天寶階

鍊芝服華教 炁布萬神衛 舉形升太虛

宣三光法炁鍊化法食符

浩精生法炁 氤氳凝天中 兩曜共澄徹

五緯交相通 三光煥已明 寶炁盈三宮

帝鄉會九老 咽服百骸豐 今華照光景

身與日月同 念道上聖前 萬劫壽無窮

宣三光玉陽鍊化法食符

玉陽正真炁 妙道三景分 玄和唱靈音

八會敷瓊文 五老宴丹澤 飄飄乘景雲

大聖諸天眾 回駕飲玉津 三五定生籍

遊戲太上賓 華光朗無際 携手朝玉晨

宣三光雲華鍊化法食符

引炁鬱羅外 九芒結雲華 七晨高上道

三景耀朱霞 捧香服晨精 功滿解世羅

鍊化塵劫盡 億劫不為多 落籍三界庭

結友太上家 御景拱玄斗 八極何足賒

宣三光導仙鍊化法食符

自然至真道 妙極玄中玄 萬天朝玉陛

五老乘華軒 三光有靈炁 所度惟聖賢

勤行道仙業 咽漱吞華根 神形合三象

渺渺歸故根 鳳鳥翔十天 飛舉不顧還

宣三光寶炁鍊化法食符

迢迢三天上 落落九玄臺 金童採芝集

玉女持花回 天寶揖仙容 俯仰升瑤階

天河灌東井 寶炁榮空來 嚙納漱瓊津

北劫不復衰 矯首三清路 振衣何樂哉

宣三光定光鍊化法食符

至矣上真道 妙哉靈寶章 吸景導五星

咽漱存華芒 流精灌百體 皓晶凝雪霜

洞達照內外 塵滓都消亡 體肌不復老

契此名定光 永宴大明館 斯為不夜鄉

廣度無礙天尊

梵亦明真文

聖婁阿耨 無怒觀音 普施慧雨 總攬善曇

稼那阿奕 忽訶流吟 華都曲麗 解苦育鍊

谷落太梵 散煙慶雲 飛灑玉都 明魔上門

無行上首 回躡流玄 阿陀龍羅 四象吁員

南闍洞浮 玉眸說說 梵形落空 九靈推前

輝洛善臺 綠羅大千 眇莽九醜 詔諸緣道

雲上九都 飛生百壽 那育郁韻 摩羅法輪
 靈持無鏡 攬姿環容 馥朗廓奕 神縷自宮
 刀利禪猷 婆尼咎通 宛敷滌色 太渺之堂
 流羅梵明 景蔚蕭颯 易邀無寂 宛首少都
 阿縵郁竺 華漢廷由 九開自辨 阿那品首
 無量扶蓋 浮羅合神 玉誕長桑 栢空度仙
 攬無自育 九日導乾 坤母東覆 形攝上玄
 陀羅有選 眇杰合雲 飛天大醜 總監上天
 沙陀劫量 龍漢瑤鮮 碧落浮黎 空歌保珍
 惡奕無品 洞妙自真 元梵恢漢 幽寂度人

酖醪抹味天尊
 衆官就坐

香雲鬱鬱湛夜杰以澄清燭影輝耀象晨陽
 而清燦三寶傾光於碧落群真御景於玄虛
 甘露涵濡撒三途而共饗慈雲覆蔭召萬類
 以同歡瞻華京翠玉之尊觀東極紫金之相
 百關充悅萬寂豐腴諒生慶幸之心復觀太
 平之運然食乃外假性本中空仗煙火之粧
 嚴慰幽靈之想慕母因外假再貪凡食之塵
 當悟中空疾證法身之妙惟虛所有勿實所

無乃究竟之工夫為超凌之徑路願言心聽
 莫墮耳聞載惟冥境輪迴體性風淪於業垢
 幽途展轉形神久鬱於迷塵匪由變鍊之功
 曷遂升遷之樂玉杓中轉瑤漢斜飛瞻六陰
 之將消慶一陽之初復陶鎔陰滌禮亦宜之
 成就陽靈時則可矣冀安和於神杰侯召役
 於真靈恭按科儀宣行鍊度傳符受戒保舉
 登真守雄抱雌二大將各按所部部衛幽魂
 再請茨城伺候受鍊

十方靈寶天尊
 引籙入茨城

靈寶領教濟度金書卷之六十一

靈寶領教濟度金書卷之六十二 卷四
 洞微高士開光救苦真人審金真授
 靈寶通玄弘教水南先生林重真編

科儀完成品淨供
 玄都大獻玉山淨供儀

法事如式
 法師長跪上香

具位小兆且恭謹重誠上啓
 三清上聖十極高真應化度人無鞅真衆仰
 冀隆慈俯垂昭鑒臣聞玄元始杰煥七部之
 真風天靈神光敷三乘之德雨慧力下提於
 黑壤慈恩旁決於黃埃乾杰坤形運神機而
 化育陽經陰緯鼓聖瑟以裁成今古咸資人
 天共仰今有齊主某人微高玄之聖澤遠大
 獻之法筵丹悃遙騰仰荷聖真而日鑒方登
 回施俯微品類以雲從三途解熱惱之悲六
 趣脫酸辛之苦瓊漿玉饌既承若水之恩瓊
 液金膏尤獲如天之賜蓋以業輪旋運索網
 周羅陰霾久滓於性天昏翳暫迷於心地欲
 復乾坤之本始萬杰齊仙宜資離坎之英華